

失，东西南北，往来无定。湘人为之口号曰：“拆掉一座塔，打碎一面锣，穿烂一部罽。”盖纪实也。

(清徐珂《清稗类钞》)

## 曾国藩识拔杜文澜

秀水杜小舫方伯文澜始以钱幕入仕，曾文正至金陵，颇不然之。适由行台移节府，见堂室所揭楹联，于人地事事切合，奇赏之。询为杜之手笔，即延见，谭至盐务、洋务，尤指书详明，并条陈利害，灼然可行，叹为奇才。旋奏署江宁藩司，由是遍历三司五道，然未曾引对入都也。及沈文肃公葆楨莅任，乃以嗜好太深，劾之去职。

(清徐珂《清稗类钞》)

## 曾国藩知容闳



容闳美国耶鲁大学毕业照

容闳字纯甫，香山人。年七岁，即学于英教士。十三，从美教士普拉温。普爱其才，携之至美，使肄业于叶尔大学，时年十九。后七年，毕业回国。又十年，始受知于曾文正。同治中，奏设机器制造局于上海。文正使容赴美购料，容乃建议，遣聪俊子弟游学于美。文正从之，使为监督，兼充驻美副使。适华工在秘鲁、古巴诸国受虐待，事闻，中朝使容就近往

查，属实，遂禁止移民秘鲁。已而文正薨，李文忠悉召游美学生回国，皆未毕业。容大失意，遂留美二十年，不还。

先是，容娶美妇，举二子，皆三十馀岁矣。光绪甲午中日之役，虽在海外，然仍不忘故国。时张文襄主战，幕客某与容识，容因献策于张，其一曰：“请亲赴伦敦借款一千五百万元，购办现成铁甲舰三四艘，招借洋兵五万，由太平洋出拊日本之背，以阻其西侵之势。”其二曰：“借款欧洲某国四亿元，以台湾为抵押，九十九年还，大兴海陆两军，以挽颓势。”张纳第一策，飞电促赴英。容急诣伦敦就富商谋之，富商咸欲以海关作抵，文忠与赫德皆不欲，议垂成而寝。

（清徐珂《清稗类钞》）

167

## 曾国藩知李士棻

李芋仙名士棻，四川忠州人。尝为江西南丰令，刘仲良中丞秉璋劾罢之。初，芋仙客曾文正所，使酒嫚言，文正以方外蓄之，不甚重也，然时怜其才。文正官江南日，芋仙屡有干请，戒门者勿通。芋仙乃以四诗，用禀封达之文正，读之称善。次日，梅小岩方伯启照入见，文正曰：“李芋仙终是才人，务为之地，勿使失所。”于是芋仙得以温饱数年。文正卒，乃流落上海，教一二女伶度曲以自给。所藏书铃有“忠州李芋仙随身书卷”一印，其上文正诗有云：“怜才始信得公难。”文正为之动心者此也。

（清徐珂《清稗类钞》）